



BOSNA I HERCEGOVINA
VIJEĆE MINISTARA
Generalno tajništvo

Broj: 01,05-50-1201/09
Sarajevo, 4.5.2009. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 06-05-2009			
Organizacione jedinica	Klasifikaciona oznaka	Radni broj	Broj priloga
01-50-1		15-18/09	

PARLAMENTARNA SKUPŠTINA
BOSNE I HERCEGOVINE

- Zastupnički dom -


SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 85. sjednici održanoj 29.4.2009. godine, utvrdilo je odgovor na zastupničko pitanje koja je Azra Alajbegović, zastupnica u Zastupničkom domu Parlamentarne skupštine Bosne i Hercegovine, postavila na 48. sjednici ovog doma održanoj 18.3.2009. godine.

U privitku dostavljamo odgovor uz molbu da isti uručite zastupnici.

S poštovanjem,



GENERALNI TAJNIK
Zvonimir Kutleša



BOSNA I HERCEGOVINA VIJEĆE MINISTARA

Broj: 01,05-50-1201/09
Sarajevo, 29.4.2009. godine

Gospođa Azra Alajbegović, poslanik u Predstavničkom domu Parlamentarne skupštine Bosne i Hercegovine, na sjednici Parlamentarne skupštine Bosne i Hercegovine, postavila je sljedeće poslaničko pitanje:

„Koji su problemi vezani za izvještavanje o ispunjavanju međunarodnih obaveza Bosne i Hercegovine u okviru UN-a i OSCE-a za 2008. godinu, i molila bih da mi se u odgovoru dostavi akcenat vezan za poteškoće sa kojima se susreću ova dva resorna ministarstva?“.

Na postavljeno poslaničko pitanje, Vijeće ministara Bosne i Hercegovine je na 86 sjednici održanoj 29. 4. 2009. godine, utvrdilo sljedeći

ODGOVOR

Na planu međunarodnih obaveza u oblasti sigurnosti i odbrane Bosna i Hercegovina je u skladu sa međunarodnim obavezama i važećim domaćim zakonima pristupila aktivnostima njihove implementacije. U tom smislu, kao zemlja članica Ujedinjenih nacija između ostalog obavezna je provoditi konvencije UN-a u oblasti kontrole naoružanja uključujući i relevantne rezolucije UN-a koje se tiču navedene oblasti. Kao država članica Organizacije za sigurnost i saradnju u Evropi učesnica je u implementiranju Bečkog dokumenta 1999 o pregovorima o mjerama za izgradnju povjerenja i sigurnosti, potpisnica Sporazuma o subregionalnoj kontroli naoružanja, Član IV, Aneks 1-B Općeg okvirnog sporazuma za mir u Bosni i Hercegovini i Sporazuma Otvoreno nebo.

U skladu sa Članom 13. stav aa) Zakona o odbrani Bosne i Hercegovine (Službeni glasnik BiH:88/05) Ministarstvo odbrane Bosne i Hercegovine osigurava da Bosna i Hercegovina poštuje međunarodne obaveze koje se tiču pitanja odbrane. U tom pogledu Ministarstvo odbrane Bosne i Hercegovine prati implementaciju i realizaciju međunarodnih obaveza te organizira inspekcije i verifikacije u skladu sa sporazumima o kontroli naoružanja.

Ovo dalje znači da je Ministarstvo odbrane Bosne i Hercegovine direktno uključeno u provedbu međunarodnih obaveza koja se tiču pitanja odbrane, i direktno je odgovorno pred odgovarajućim međunarodnim tijelom u smislu obaveze podnošenja redovnih izvještaja i učestvovanja svojih predstavnika na redovnim sastancima.

U okviru OSCE-ove vojno-političke dimenzije u oblasti kontrole naoružanja i razmjene informacija Ministarstvo odbrane Bosne i Hercegovine odgovorno prateći plan izvještavanja direktno učestvuje u izradi i razmjeni informacija (pomenućemo najvažnije) u skladu sa odredbama Bečkog dokumenta 1999 (Informacija o vojnim snagama BiH, Informacija o odbrambenom planiranju i odbrambenom budžetu), odredbama OSCE-ovog dokumenta pod

nazivom Globalna razmjena vojnih informacija (Informacija Bosne i Hercegovine o većim sistemima oružja i opreme). Ovdje je značajno spomenuti i pravovremeno provođenje inspekcija i verifikacija u sklopu sporazuma dok pobrojane informacije predstavljaju glavni instrument za nadgledanje implementacije Bečkog dokumenta 1999 .

Također u saradnji sa ostalim institucijama odgovornim za implemetaciju međunarodnih obaveza Bosne i Hercegovine (Ministarstvo vanjskih poslova BiH, Ministarstvo sigurnosti BiH, Ministarstvo vanjske trgovine i ekonomskih odnosa BiH, Ministarstvo civilnih poslova BiH) u okviru ~~OSCE-ove vojno-političke dimenzije iz oblasti sigurnosti i odbrane~~ Ministarstvo odbrane Bosne i Hercegovine u saradnji sa ostalim institucijama Bosne i Hercegovine učestvuje (u formi izrade priloga) u izradi izvještaja Bosne i Hercegovine u skladu sa (pobrojaćemo najznačajnije) OSCE-ovim Dokumentom o malom i lakom naoružanju OSCE-ovim Kodeksom ponašanja o vojnopoličkim aspektima sigurnosti, OSCE-ovim dokumentom o transferima konvencionalnog naoružanja.

Dalje, dosljednom implementacijom Sporazuma o subregionalnoj kontroli naoružanja Ministarstvo odbrane Bosne i Hercegovine doprinosi da Bosna i Hercegovina na polju regionalne stabilizacije i kontrole naoružanja dosljedno realizira obaveze predviđene Sporazumom usmjerene ka izgradnji transparentnosti i povjerenja među ostalim stranama u regiji, potpisnicama sporazuma (Crna Gora, Hrvatska i Srbija).

Implementirajući ugovor Otvoreno nebo koji uspostavom režima otvorenog neba za obavljanje izviđačkih letova «država potpisnica » iznad teritorija drugih «država potpisnica » omogućava vazдушna izviđanja teritorije svih "Država potpisnica", Oružane snage Bosne i Hercegovine doprinose da Bosna i Hercegovina na principima otvorenosti i transparentnosti razvija jačanje mira, stabilnosti i sigurnosne saradnje u Evropi.

Na kraju, Ministarstvo odbrane Bosne i Hercegovine aktivno učestvuje u implementiranju Konvencije o hemijskom naoružanju, Konvencije o bakteriološko-biološkom naoružanju, Konvencije o konvencionalnom naoružanju UN-ovog Programa o malom i lakom naoružanju u svim aspektima i UN-ovog Registra o konvencionalnom naoružanju kroz redovno dostavljanje izvještaja i učešća svojih predstavnika u radnim tijelima koja se brinu za implementiranje pomenutih konvencija. Na ovaj način doprinosi da Bosna i Hercegovina unapređuje sigurnosne obaveze na međunarodnom planu i prema međunarodnim globalnim i regionalnim asocijacijama.

Kada je u pitanju koordinacija sa Ministarstvom vanjskih poslova Bosne i Hercegovine, Ministarstvo odbrane Bosne i Hercegovine ostvaruje potrebnu koordinaciju na planu provođenja međunarodnih obaveza Bosne i Hercegovine u oblasti odbrane. Ovo podrazumjeva sistematiziranje relevantnih izvještaja, predlaganje konkretnih mjera, koordinaciju aktivnosti i pravovremeno dostavljanje priloga iz okvira nadležnosti Ministarstva odbrane Bosne i Hercegovine za izradu informacija Bosne i Hercegovine u skladu sa Rezolucijama UN-a i vojnopoličkim dokumentima OSCE-a s ciljem pravovremene razmjene informacija Bosne i Hercegovine.



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1209/09
Sarajevo, 4.5.2009. godine

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 06-05-2009			
Organizaciona jedinica	Klasifikaciona oznaka	Redni broj	Broj priloga
01-50-1-1548/09			

PARLAMENTARNA SKUPŠTINA
BOSNE I HERCEGOVINE

- Zastupnički dom -

SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 85. sjednici održanoj 29.4.2009. godine, utvrdilo je odgovor na zastupničko pitanje koja je Azra Alajbegović, zastupnica u Zastupničkom domu Parlamentarne skupštine Bosne i Hercegovine, postavila na 48. sjednici ovog doma održanoj 18.3.2009. godine.

U privitku dostavljamo odgovor uz molbu da isti uručite zastupnici.

S poštovanjem,



GENERALNI TAJNIK
Zvonimir Kutleša



**БОСНА И ХЕРЦЕГОВИНА
ВИЈЕЋЕ МИНИСТРА**

Број: 05-50-1209/09
Сарајево, 29.4.2009. године

Азра Алајбеговић, посланик у Представничком дому Парламентарне скупштине Босне и Херцеговине, на 48. сједници Представничког дома одржаној 18.3.2009. године, поставила је следеће посланичко питање:

"Који је био законски основ да се уради легислативни оквир за успостављање Регионалног центра за сарадњу о менталном здрављу од стране власти Босне и Херцеговине, обзиром да иста декларација није прошла процес и сертификацију? "

На постављено питање, Вијеће министара Босне и Херцеговине је на 85. сједници одржаној 29.4.2009. године, утврдило следећи

ОДГОВОР

Декларацијом о дугорочном програму регионалне сарадње и развоја у менталном здрављу министара здравља Југоисточне Европе, потписници подржавају успостављање Регионалног центра за сарадњу у области менталног здравља, са сједиштем у Босни и Херцеговини, те да ће улога Центра бити да: планира, координира и евалуира активности које придонесе развијању промоције менталног здравља, превенције, пружања услуга и социјалне укључености. Осим наведеног, Декларацијом се предвиђа и успостављање легислативног оквира за Регионални центар за сарадњу у менталном здрављу од стране власти Босне и Херцеговине.

Министарство цивилних послова БиХ провело је процедуру закључивања Декларације у складу са Законом о поступку закључивања и извршавања међународних уговора (Сл. гласник БиХ бр. 29/00) и након њеног потписивања упутило је Министарству иностраних послова БиХ ради провођења поступка ратификације. У међувремену, Министарство цивилних послова је остваривало контакте са Секретаријатом Здравствене мреже Југоисточне Европе, који нам је сугерисао да се изради Нацрт меморандума о разумјевању између Министарства цивилних послова БиХ, Министарства здравља и социјалне заштите Републике Српске, Федералног министарства здравства и Одјељења за здравство и остале услуге Брчко Дистрикта, како би сви релевантни субјекти били укључени у потпуности у будућу имплементацију Декларације. У сарадњи са поменутиим институцијама израђен је Нацрт меморандума о разумјевању, који још увијек није потписан управо због тога што Декларација још увијек није ратификована, тако да се израда Нацрта меморандума може

окарактерисати као припрема за имплементацију Декларације. Такођер, истичемо да легислативни оквир за успостављање Регионалог центра за ментално здравље није ни почео да се ради.

На крају можемо извести закључак, да Министарство цивилних послова БиХ није отпочело са имплементацијом Декларације о дугорочном програму регионалне сарадње и развоја у менталном здрављу министара здравља Југоисточне Европе, те да се почетак имплементације очекује након доношења Одлуке о ратификацији од стране Предсједништва БиХ.